

Broj: 13/04-02-3-1652-1/23
Sarajevo, 12.12.2023. godine

Bosna i Hercegovina
Federacija Bosne i Hercegovine
PARLAMENT FEDERACIJE
SARAJEVO

| | | | |
|---------------------|---------|------------|--|
| Prejeto: 12-12-2023 | | | |
| Broj | Priloga | Vrijednost | |
| 05/1-02 | -502 | /23 | |

BOSNA I HERCEGOVINA
FEDERACIJA BOSNE I HERCEGOVINE
PARLAMENT FEDERACIJE
ZASTUPNIČKI/PREDSTAVNIČKI DOM
Tajnik/Sekretar

n/p Ivan Miličević, tajnik/sekretar

PREDMET: Odgovor na zastupničko pitanje, dostavlja se

VEZA: Vaš akt broj: 05/1-02-502/23 od 30.11.2023. godine
Akt Vlade Federacije BiH broj: 03-04-1406-20/23 od 04.12.2023. godine

Poštovani,

Vašim aktom, broj i datum kao u vezi, dostavili ste Poreznoj upravi Federacije BiH zastupničko pitanje koje je postavio zastupnik Admir Čavalić na 7. redovnoj sjednici Zastupničkog doma Parlamenta Federacije BiH održanoj 28.11.2023. godine, radi davanja odgovora iz nadležnosti Porezne uprave Federacije BiH.

Shodno prednjem, iz segmenta naše nadležnosti, u prilogu akta dostavljamo odgovor na postavljeno zastupničko pitanje.

S poštovanjem,

Prilog: Odgovor na zastupničko pitanje

Dostaviti:

1. Naslovu
2. Vladi Federacije BiH
3. U spis
4. a/a

DIREKTOR

Mr. sci. Šerif Isović

RECEIVED
STATE OF TEXAS
COMMISSIONER OF THE GENERAL LAND OFFICE

| | |
|------------|---------|
| 12-15-2008 | |
| Amount | 1000.00 |
| Balance | 1000.00 |

STATE OF TEXAS
COMMISSIONER OF THE GENERAL LAND OFFICE
1500 NORTH BRASSFIELD BOULEVARD
DALLAS, TEXAS 75207

RECEIVED
STATE OF TEXAS
COMMISSIONER OF THE GENERAL LAND OFFICE

STATE OF TEXAS
COMMISSIONER OF THE GENERAL LAND OFFICE
1500 NORTH BRASSFIELD BOULEVARD
DALLAS, TEXAS 75207

STATE OF TEXAS
COMMISSIONER OF THE GENERAL LAND OFFICE
1500 NORTH BRASSFIELD BOULEVARD
DALLAS, TEXAS 75207

Broj: 13/04-02-3-1652-1/23
Sarajevo, 12.12.2023. godine

N/r gosp. Admir Čavalić, zastupnik

PREDMET: Odgovor na Vaše zastupničko pitanje, dostavlja se

Poštovani,

Porezna uprava Federacije BiH – Središnji ured Sarajevo zaprimila je akt Parlamenta Federacije BiH, Zastupnički/Predstavnički dom broj: 05/1-02-502/23 od 30.11.2023. godine kojim se od Porezne uprave Federacije BiH traži odgovor na Vaše sljedeće zastupničko pitanje: „Da li su u proteklih tri godine evidentirana kršenja Zakona o igrama na sreću u vezi fizičke lokacije kladionica i drugih objekata igara na sreću, te koje su sankcije izrečene?“

Prema odredbama Zakona o igrama na sreću i Pravilnika o prostornim, tehničkim i drugim uslovima za priređivanje igara na sreću klađenja, Porezna uprava Federacije BiH nije nadležna za utvrđivanje udaljenosti kladionica i drugih objekata, u kojima se priređuju igre na sreću, od vjerskih objekata, osnovnih i srednjih škola, niti je nadležna za provođenje bilo kakvih postupaka, ukoliko se uoči da se igre na sreću priređuju u objektima koji su locirani na udaljenosti manjoj od 100 metara od vjerskih objekata, osnovnih i srednjih škola, ali je dužna da postupa po nalogima Ministarstva finansija/finansija i da vrši nadzor nad provođenjem odredaba Zakona o igrama na sreću i podzakonskih akata, donesenih na osnovi Zakona o igrama na sreću.

Naime, priređivači igara na sreću koji su na dan stupanja na snagu novog Zakona o igrama na sreću („Službene novine Federacije BiH“, broj: 48/15 i 60/15) posjedovali odobrenje za priređivanje igara na sreću, izdato u skladu sa Zakonom o igrama na sreću („Službene novine Federacije BiH“, broj: 01/02 i 40/10), nastavili su raditi do isteka trajanja odobrenja, uz mogućnost podnošenja zahtjeva za produženje odobrenja na način kako je propisano novim Zakonom.

Priređivači igara na sreću klađenja kojima je isteklo odobrenje Ministarstva finansija/finansija, koje se izdaje na period od dvije godine, imali su mogućnost da, u skladu sa odredbama člana 89. Zakona o igrama na sreću, podnesu Ministarstvu finansija/finansija, zahtjev za produženje odobrenja, najkasnije u roku od 30 dana prije isteka važećeg odobrenja, uz dostavljanje dokaza navedenih u stavu 3. tačka 1., 2., 4., 10., 11., 12., 13. i 14. navedenog člana Zakona o igrama na sreću.

Dakle, produženje odobrenja za priređivanje igara na sreću klađenja nije uvjetovano dostavljanjem dokaza Ministarstvu finansija/finansija da se uplatna mjesta ne nalaze na udaljenosti manjoj od stotinu metara od vjerskih objekata, osnovnih i srednjih škola, ali jeste uvjetovano dostavljanjem ovjerene izjave o ispunjenosti prostornih i tehničkih uslova za priređivanje igara na sreću klađenja, date pod punom materijalnom i krivičnom odgovornošću.

Odredbama novog Zakona o igrama na sreću („Službene novine Federacije BiH“, broj: 48/15 i 60/15) i Pravilnika o prostornim, tehničkim i drugim uslovima za

priređivanje igara na sreću klađenja („Službene novine Federacije BiH“, broj: 23/16 i 40/16) nije propisana nadležnost Porezne uprave Federacije Bosne i Hercegovine za kontrolu ispunjenosti zakonskih uslova za izdavanje odobrenja za otvaranje novih uplatnih mjesta kladionica, automat klubova i casina, odnosno udaljenosti istih od vjerskih objekata, te osnovnih i srednjih škola.

Naime, odredbama člana 90. Zakona o igrama na sreću, propisano je da je priređivač igara na sreću klađenja dužan da, uz zahtjev za izdavanje odobrenja Ministarstva finansija/financija za otvaranje svakog novog uplatnog mjesta za klađenje ili za preseljenje uplatnog mjesta na novu lokaciju, priloži ovjerenu izjavu o ispunjenosti prostornih i tehničkih uslova za priređivanje igara na sreću klađenja.

Odredbama člana 12. Pravilnika o prostornim, tehničkim i drugim uslovima za priređivanje igara na sreću klađenja, priređivač je dužan, za svako uplatno mjesto čije se otvaranje traži, kao dokaz da se novo uplatno mjesto ne nalazi na udaljenosti manjoj od 100 metara od vjerskih objekata, te osnovnih i srednjih škola, Ministarstvu finansija/financija dostaviti relevantan dokument izdat od strane nadležne općinske službe, na čijoj teritoriji je locirano novo uplatno mjesto (izvod iz kopije katastarskog plana s pismenim zaključkom o udaljenosti, potvrda, nalaz povjerenstva...).

Odredbama člana 104. i člana 59. Zakona o igrama na sreću propisana je obaveza priređivača igara na sreću na automatima i priređivača igara na sreću u kasinima, da uz zahtjev za dobijanje odobrenja prilože dokaz da se prostor, u kome će se priređivati igre na sreću, ne nalazi na udaljenosti manjoj od 100 metara od vjerskih objekata, te osnovnih i srednjih škola, a priređivači igara na sreću na automatima su dužni priložiti i ovjerenu izjavu o ispunjenosti prostornih i tehničkih uslova za priređivanje igara na sreću u automat klubu, pod punom materijalnom i krivičnom odgovornošću.

Slijedom navedenog, Porezna uprava Federacije BiH ne posjeduje evidencije o nezakonitosti postupanja priređivača igara na sreću, u predmetu udaljenosti kladionica i drugih objekata u kojima se priređuju igre na sreću, od vjerskih objekata, osnovnih i srednjih škola, niti evidencije o izrečenim sankcijama.

Takođe, uplatna mjesta odobrena prema starom Zakonu o igrama na sreću predstavljaju stečeno pravo odnosno pravni subjekt je već ušao u određenu pravnu situaciju odnosno poziciju. Naime, temeljni postulat principa vladavine prava, između ostaloga, čini i sigurnost pravnog subjekta u svoju pravnu poziciju, posebno ukoliko je verificirana određenim pojedinačnim aktom kao što je ovdje slučaj. Dakle, stečena prava su subjektivna prava nastala (stečena) u prošlom pravnom poretku koji je zamijenjen novim po kojemu ta prava ne bi mogla nastati. Stoga princip vladavine prava zabranjuju povratno djelovanje propisa odnosno primjenu propisa na slučajeve koji su nastali.

S poštovanjem,

Dostaviti:

- 1. Naslovu**
- 2. Vladi Federacije BiH**
- 3. U spis**
- 4. a/a**



DIREKTOR

Mr.sc. Serif Isović